

გუბერნატორის მოადგილე „ბელოსტოკის დღეებისადმი“ მიძღვნილ ღონისძიებას დაესწრო

21 ივნისი 2015

ბელოსტოკის დღეები წელს პოლონეთში ადგილობრივი თვითმმართველობის არჩევნების 25 წლისთავს დაემთხვა. აღნიშნულ თარიღთან დაკავშირებით მოეწყო შეხვედრა საზოგადოებრივ ცხოვრებაში მოქალაქეთა მონაწილეობის იდეის შესახებ, სადაც დელეგაციის წევრებს საშუალება მიეცათ გასცნობოდნენ ბელოსტოკის გამოცდილებას მონაწილეობითი ბიუჯეტირებისა და საჯარო კონსულტაციების გამართვის შესახებ. ბელოსტოკი უდიდესი ქალაქია, რომელიც პოლონეთის ჩრდილო-აღმოსავლეთ ნაწილში მდებარეობს. გორისა და ბელოსტოკის მუნიციპალიტეტებს შორის ურთიერთ თანამშრომლობის მემორანდუმი 2013 წელს გაფორმდა და დღემდე რამდენიმე გაცვლითი ვიზიტი განხორციელდა. მიმდინარე წლის ვიზიტის ორგანიზება ა(ა)ი პ ქალაქ გორის მუნიციპალიტეტის მერიის განვითარების სააგენტომ უზრუნველყო.